



TOSHKENT DAVLAT YURIDIK UNIVERSITETI REKTORINING B U Y R U G ' I

18.07.2022

160-tm-son

Talabalar safidan chetlashtirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Universitetda yuqori malakali va halol yuridik kadrlarni tayyorlash uchun halollik talablariga qat'iy rioya qilish tizimi yaratilgan.

Shunga qaramasdan ayrim talabalar tomonidan universitet Akademik halollik talablari hamda Odob-axloq kodeksi qoidalarini buzish holatlari kuzatilmoqda.

Xususan, rektor buyrug'iga muvofiq, 2022-yil 30-maydan 22-iyunga qadar Xalqaro huquq va qiyosiy huquqshunoslik fakultetining 188 nafar bitiruvchi talabalariga yakuniy davlat attestatsiya imtihonlari tashkil etilgan bo'lib, barcha talabalar 2021/2022 o'quv yili yakuniy davlat attestatsiyasi imtihoniga qatnashish grafigiga muvofiq imtihonga kirishgan.

Biroq fakultet talabalarining yakuniy davlat attestatsiya imtihonlarida halol qatnashganligiga ishonch hosil qilish maqsadida imtihonga kirish dalolatnomalari hamda imtihon jarayonlari aks etgan video yozuvlar ko'zdan kechirilganda 2022-yil 30-may kuni o'zaro til biriktirib, Xalqaro huquq va qiyosiy huquqshunoslik fakulteti 4-kurs A potok 3-guruh talabasi **Xasanov Solijon Fattoyevich** o'rniga Xalqaro huquq va qiyosiy huquqshunoslik fakulteti 4-kurs A potok 3-guruh talabasi **Narzullayev Jamshid Rustam o'g'li** yakuniy davlat attestatsiya sinoviga kirganligi aniqlandi.

Shuningdek, 2022-yil 22-iyun kuni o'zaro til biriktirib, Xalqaro huquq va qiyosiy huquqshunoslik fakulteti 4-kurs A potok 3-guruh talabasi **Isoqov Elyor Soyibboyevich** o'rniga 2022-yil 30-may kuni yakuniy davlat attestatsiya sinoviga kirib chiqqan Xalqaro huquq va qiyosiy huquqshunoslik fakulteti 4-kurs A potok 3-guruh talabasi **Dushanov Jasurbek O'rinboy o'g'li** yakuniy davlat attestatsiya

sinovi kirganligi aniqlandi.

Mazkur holat bo'yicha talabalar S.Xasanov, J.Narzullayev, E.Isoqov, J.Dushanovlardan tushuntirish xati olinganda, yuqorida bayon qilingan ishlarni qilganligini to'liq tan olib, pushaymonliklarini ma'lum qilishdi.

Yuqoridagi harakatlari bilan talabalar S.Xasanov, J.Narzullayev, E.Isoqov va J.Dushanovlar Universitetning Akademik halollik talablarining 21-bandi (shaxs sifatida namoyon qilish – imtihonlar, test sinovlari, laboratoriya ishlari yoki boshqa topshiriqlar paytida akademik imtiyozlarni qo'lga kiritish uchun o'zini boshqa shaxs sifatida namoyon qilish yoki o'z o'rniga boshqa shaxslarni kiritish), 38-bandi (mazkur Talablarning 21-bandida nazarda tutilgan akademik nohalollik (qoidabuzarlik)ka yo'l qo'yish – talabalar safidan chetlashtirish uchun asos bo'lishi) talablari hamda universitet Odob-axloq kodeksining 8-moddasi (Universitet xodim, talaba va doktorantlari o'z xizmat va o'qish faoliyatlarini amalga oshirishda adolatli, halol va xolis bo'lishlari); 10-moddasi (Xodim, talaba va doktorantlar korrupsiyaga qarshi kurashishlari va uning profilaktikasiga faol ko'maklashishlari, shuningdek, Universitet korrupsiyaga qarshi kurashish Dasturi va Toshkent davlat yuridik Universiteti xodim, talaba, o'quvchi va doktorantlari tomonidan korrupsiyaviy huquqbuzarliklar sodir etishga og'dirish maqsadida murojaat qilish holatlari haqida xabardor qilish to'g'risida Nizom talablarini so'zsiz bajarishlari, o'z faoliyatlarini oshkora va adolatli amalga oshirishlari, yuqori axloqiy qadriyatlar va prinsiplarga sodiq qolgan holda qonun ustuvorligiga qat'iy rioya etishlari shart); 26-moddasi (Xodim, talaba va doktorantlar: qonun hujjatlari va mazkur Kodeks talablariga rioya etishga; doimo yuksaklikka intilish, halollik va adolat bilan hayot kechirish kabi olijanob fazilatlarni chuqur anglashga; odob-axloqqa oid milliy an'analarimiz, urf-odat va qadriyatlarimizni hurmat qilishga; o'z ustilarida doimiy ravishda ishlash va qabul qilinayotgan qonun hujjatlarini muntazam ravishda o'rganib borishga; o'z vazifalarini vijdonan, professional darajada amalga oshirishga; shaxsiy foydasi hamda o'zgalar manfaatini ko'zlab o'z mavqeini suiiste'mol qilmaslikka); 27-moddasi (talabalar yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslikka; boshqa shaxslar tomonidan tayyorlangan topshiriqlar yoki yozma ishlarni o'z nomidan topshirmaslikka) keltirilgan qoidalarni qo'pol ravishda buzgan.

O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandining g-kichik bandi, O'zbekiston Respublikasi Vazirlar Mahkamasining 2021-yil 10-iyundagi "O'zbekiston Respublikasi adliya vazirligi tizimidagi ta'lim muassasalarida kredit-modul tizimini joriy etish chora-tadbirlari to'g'risida"gi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomning 43-bandining 3-xatboshisi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universitetining "Akademik halollik talablari"ning 21,38-bandlari, Odob-axloq kodeksining 8,10,26,27-moddalari hamda universitetning Ichki tartib

qoidalar (ichki mehnat tartibi qoidalar) 83-bandiga asosan, shunidek 2022-yil 14-iyuldagi Toshkent davlat yuridik universiteti O'quv-uslubiy kengashining navbatdan tashqari 5-son majlis bayonnomasi xulosasiga muvofiq

BUYURAMAN

1. Toshkent davlat yuridik universitetining "Akademik halollik talablari"ning 21,38-bandlari hamda Odoq-axloq kodeksining 8,10,26,27-moddalarini buzganligi uchun:

Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 4-kurs A potok 3-guruh talabasi **Xasanov Solijon Fattoyevich**;

Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 4-kurs A potok 3-guruh talabasi **Narzullayev Jamshid Rustam o'g'li**;

Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 4-kurs A potok 3-guruh talabasi **Isoqov Elyor Soyibboyevich**;

Xalqaro huquq va qiyosiy huquqshunoslik fakultetida davlat granti asosida tahsil oluvchi 4-kurs A potok 3-guruh talabasi **Dushanov Jasurbek O'rinboy o'g'li** talabalar safidan chetlashtirilsin.

2. 2021/2022 o'quv yili 4-kurs Yurisprudensiya. Xalqaro huquq va qiyosiy huquqshunoslik yo'nalishi bitiruvchilari uchun yakuniy davlat attestatsiya sinovi hamda bitiruv malakaviy ishlar himoyasi bo'yicha yakuniy davlat attestatsiya komissiyasining 2022-yil 13-iyuldagi 2-sonli majlis bayonnomasiga muvofiq, Toshkent davlat yuridik universiteti 2021/2022 o'quv yili 4-kurs Yurisprudensiya. Xalqaro huquq va qiyosiy huquqshunoslik yo'nalishi bitiruvchilari uchun yakuniy davlat attestatsiya sinovi hamda bitiruv malakaviy ishlar himoyasi bo'yicha yakuniy davlat attestatsiya komissiyasining 2022-yil 30-maydagi 1-sonli majlis bayonnomasidagi Xasanov Solijon Fattoyevichning 63 balli, Narzullayev Jamshid Rustam o'g'lining 50 balli, Isoqov Elyor Soyibboyevichning 67 balli va Dushanov Jasurbek O'rinboy o'g'lining 62 balli bekor qilingani ma'lumot uchun qabul qilinsin.

3. Ma'naviyat va ma'rifat markazi (Sh. Po'latov) fakultet dekanlari bilan birgalikda mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini tashkillashtirsin.

4. Xalqaro huquq va qiyosiy huquqshunoslik fakulteti dekani (D. Umarxanova) mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

5. Mazkur buyruq ijrosini nazorat qilishni o'z zimnamda qoldiraman.

Rektor



A. TASHKULOV

Toshkent shahar

Kiritildi:

YOshlar masalalari va maʼnaviy-
maʼrifiy ishlar boʻyicha dekan
oʻrinbosari

SH.BOBODOʻSTOV



Kelishildi:

Boshqarma boshlig'i

S.BOZAROV



Direktor

SH.POʻLOTOV



Bosh buxgalter

M.PARPIYEV



O'quv ishlari boʻyicha prorektor -
TDYuU qoshidagi akademik litsey
direktori

I.RUSTAMBEKOV



yuriskonsult

D.ALIBOYEV



Moliya-iqtisod ishlar boʻyicha
prorektor

A.IMINOV



Yoshlar masalalari va maʼnaviy-
maʼrifiy ishlar boʻyicha birinchi
prorektor

A.XASHIMHONOV

